

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

**Meditationum evangelicarum pars secunda, hoc est:
Solida, ad descendam & exercendam, ex evangeliis tam
dominicalibus quam festivalibus Christi & sui-ipsius
notitiam, informatio**

Creide, Hartmann

Francofurti ad Moenum, 1682

Exegesis

[urn:nbn:de:bsz:31-126164](#)

- I. Αὐτοῦ παράδοσις, sive notitiam nostri.
II. Χριστοῦ γνωστική, sive notitiam Christi.

J.J.

Exegesis.

Ecce, ego mittam pescatores multos, dicit Dominus, & pescabuntur eos, Jer. 16. v. 16.

Hoc impletum est in praesente Evangelio, in quo audimus, Servatorem nostrum quatuor pescatores una vice ad Apostolatum vocasse.

Ad notitiam nostri hic perveniemus, si spectemus:

I. *Pescatores retia projicientes.* Hæc enim eorum vocatio erat, cui fideliter vacabant. Unumquemque, sicut vocavit Deus, ita ambulet, 1. Cor. 7, 17. Neque oderis laboriosa opera, & rusticationem creatam ab altissimo, Sir. 7, 16. Sicut igitur Deus mandavit in sudore vultus vesci pane suo, Gen. 3, 19. Sic & hoc modo victum suum quærebant. Erant enim pescatores, intellige ex professo: Piscatura erat ars eorum, quam probè dicerant, quam probè callebant, & haec tenus tanquam ordinarium vietus quærendi medium exercuerant: ideo non improbandis sunt, quod retia sua in mare projiciunt, & ita honestè alimoniam suam querunt. Manus enim sedulorum divitias parat, Prov. 10. v. 14. qui verò dormitat, & conserit manus suas, ut dormiat, illi veniet, quasi viator egestas, & pauperies qualivir armat⁹ Prov. 6, 12.

Hic quilibet in examen sui descendat, ntrum & ipse vocationi sua fideliter invigilaverit, & rete suum ita laxaverit, sicut id Deus in verbo suo prescrivit?

Si probè rem examinamus, nos omnes

suo modo peccatores sumus, & rete nostrum habemus, quod Deus cuique, ut vicum sibi illo querat, concrididit, homo enim natus est ad laborem, ut aves ad volatum, Hiob. 5. v. 7.

Verbi ministri spirituale rete habent, quod est concio Evangelii, quæ expresse reti confertur, Matth. 13, 47. hoc ipso alere se tenent, dignus enim est operarius mercédę sua, Luc. 10, 7. Ideo ait Paulus: Si nos vobis spiritualia seminavimus: magnum est, si nos carnalia vestra metamus? 1. Cor. 9, 11.

Qui in magistratus officio constituti sunt, rete habent bonarum legum & ordinationum, quo subditos irretiunt & compescunt. Ideo quoque tributa illis præstanta sunt, ministri enim Dei sunt, in hoc ipsum servientes, Rom. 13, 6.

In communī vita quilibet rete vocationis sua habet, & aut mercator est, aut opificium aliquod callet, unde si sustentare potest, si ne his enim non adificatur civitas, Sir. 38. vers. 37.

Si quilibet igitur suo loco diligens est, & in nomine Dominilaxat rete suum, piscium multitudinem copiosam concludet, Luc. 5, 6. & tantum sibi comparabit, unde cum suis honestè vivere possit. Dominus enim facultatibus piorum benedicit, & cum ipsis tempus esse videtur, citò eas auget. Ideo confide in Deo, & mane in loco tuo, facile enim est in oculis Dei subito ditare pauperem, Sir. 11. v. 23, 24.

Sed & pescatores nequam inveniuntur, inter illos, qui absconderunt foveam retis sui, ad perendum homines, Psal. 35. v. 7. hi illi sunt, qui omnia attrahunt hamo, contrahuntq; suo reti, & congregant ea in reti suo, Habac. 1. v. 15, 16.

Verum ha opes heredem non juvant. Hæc enim

lili

enim est voluntas Dei, ne quis supergrediat-
tur, neque circumveniat in negotio fra-
trem suum, 1. Thess. 4. v. 6. Et divitias, quas
iniquus devoravit, evomet, & de ventre ejus
extrahet eas Deus, Hiob. 20. v. 15. Sap.
7. v. 12.

Proinde quilibet in vocatione sua hone-
stè labore: *Dii vendunt bona sua laboribus,*
inquit Menander. Si quis autem non vult
operari, non manducet, 2. Thess. 3. 10.

Sevit Isaac in terra Palæstinorum, & in-
venit in ipso anno centuplum, Gen. 26. 12.
quod si fementē nō fecisset, non messuisset.
Hinc Siracides: Qui operatur terram suam,
inalbit acervum frugum, cap. 20. 30.

Anna Tobiae uxor, ibat ad opus textri-
num quotidie, & de labore manuum sua-
rum sustentabat maritum, Tob. 2. 19.

Paulus nocte ac die operabatur, ne quem
gravaret, 2. Thess. 3. v. 8.

Ne proinde otio indulgeamus, est enim
Doctor pravitatis & occasio peccati, ut Basilius ait. *Sed semper facito aliquid operis, ut te Diabolus venias occupatum*, ut Hieronymus monet. At vide, ut quod bonum est,
opereris, Eph. 4. 28. Bonorum enim labo-
rum gloriolus est fructus, Sap. 3. 15. Ira vero
& indignatio, tribulatio & angustia, in o-
mnem animam hominis operantis malum,
Rom. 2. v. 9.

II. *Piscatores retia sarcientes.* Hoc ipso
commendant nobis parsimoniam, ut & nos
vestes laceratas & detritas non statim abji-
ciamus, sed resarciamus. Nam ut tempus
scindendi, sic & consuendi est, Eccles. 3. v. 7.
Quimò ut Claudianus ait:

-- Plus est servasse repertum

quam quæsse novum.

Semper enim magnificè patricq; amicire,
proximus aditus est ad paupertatem, & qui
spemit modica, paulatim decidet, Sir. 19. 1.

Hic examines velim te, mi Christiane! u-
trum & ipse cum discipulis hisce laceratum
tuum rete resarseris, sive, quod idem est, quod
Dens tibi largitus est, ut decet, comparsaris?

Hoc non insuper habendum est: magnum
enim vecligal parsimonia, ut Cicero ait. Hinc
Germani in proverbio habent, caligas veter-
es & detritas, non abjiciendas, donec ac-
ceperis novas.

Imperator Augustus vulgaribus vestibus
amicus fuit, quas illi conjux ejus contexuit
& resarcivit.

Agisilanus Lacedemonum Rex, adeo vilis
habitu incessit, ut propterea Ægyptis risu
fuerit.

Epaminondas, præstantissimus ille The-
banorum princeps, unicam saltem habuit,
eamq; maculatam tunicam, si eam ad tin-
etorem vel sartorem misit, tantisper domise
continere coactus fuit.

Phocion inclitus ille Atheniensium prin-
ceps, semper vulgaribus vestibus & calcea-
mentis incessit, imò ut plurimum nudipes
fuit, unde Proverbiū: *Phocion calceatus est.*

Quod si igitur primarii hi viri probro si-
bi non duxerunt, vestibus reparatis amiciri,
ecur nos id puderet? præsertim, qui in sta-
tu œconomico vivimus. Oeconomia enim
multis indiget. Parvuli petunt panem,
Thren. 4. v. 4. curare nos decet, quid man-
ducare, quid bibere, aut quo operiri veli-
mus. Matth. 6. v. 31.

Nemo n. ratione vestimentorum in laude
versatur: quin magis commendatur, qui in
natura olympos in habitu decenti ineedit,
1. Tim. 2. 9. quam si quis suprà conditionem
suam purpurā & byssō induatur, ad exemplum
Epulonis, Luc. 16. 19.

E contrario vero apprimè caveamus, ne
peccatorum retia sarciamus, quod sit quando
peccata nostra extenuamus & excusa-
mus.

mus. Sicut hodie nihil vulgarius est, quam ut superbia pro munditie, avaritia pro parsimonia crapula & omnis generis rugæ, pro hilaritate venditentur. Hoc maximum peccatum est. Qui enim abscondit scelera sua, non dirigetur: qui autem confessus fuerit, & reliquerit ea, misericordiam consequetur, Prov. 28.v.13.

III. Piscatores omnia deserentes. Relictis enim retibus, navibus & patre secuti sunt Christum. Hoc memorabile est. Evidem retia & naves relinquere non adeo magnum videtur: ait patrem relinquere, præfertim in senectute, ubi auxilio filiorum quam maximè indiget, id salvâ conscientiâ fieri vix potuisse, dixeris. Id enim nec Gentiles fecerunt, sed potius in extremis angustiis parentum curam gesserunt. Hinc Plato: Parentes negligere, nec Deus, nec hominem quiscom illi consulet. Et Virgilius de Aenea memor, quod patrem suum Anchisen è media flamma liberat, & dorso baulaverit, unde ipse ait:

Mene efferre pedem genitor, te posse
relichto

Sperasti?

Sed quando Christum ejusq; Evangelium concernit, ut alterutrum eligendum, aut Christus deferendus & parentes amplectendi, hic Regula Petri valet: Magis obediendum est Deo, quam hominibus, A&t.5.19.

Hic proba te, mi Christiane! an & ipse hoc facere velis, si persecutio, Dei permisso, tibi immineat?

Quartum quidem præceptum meritò magni estimatur ab omnibus piis Christianis, tamen, ut Chrysostomus limitat, exceptis iis, quæ pietati officiunt. Qui enim amat patrem aut matrem plus, quam me, non est me dignus, ait Servator, Matth. 10.v.37. Id

quod & in V.T. ita mandatum est, Deut. 33. vers. 9.

Icircò maximam rationem conscientiæ habeamus, ne eam sauciamus: *Amandus est // genitor, sed preferendus creator,* ait Augustinus. Hæc summa totius scriptura est, & in primo & ultimo libro inculcatur. In Genesi enim velut primo scriptura libro, exstat exemplum Abrahæ, quem Deus egredi jussit de domo patris sui, in terram, quam ipsi monstratus erat, Gen. 12.v.1. & exiit, ne-sciens, quò iret, Hebr. 11.v.8. In ultimo verò libro vox de cœlo clamat: Exite de illa populus meus, Apoc. 18.v.5.

Quando itaq; res in aquilibrio versatur, ut alteruter deferendus sit, ibi Jacobus & Johannes viam monstrarunt, quod melius sit Christum servare, & omnia relinquere, quam Christum relinquere, & omnia retinere, Matth. 19.v.29.

Hieronymus ejusmodi simili id declarat: Miles, qui stipendia meretur, salvo militiæ sacramento patri suo in tentorio affidere potest, quando verò buccinâ signum datur, omnibus relictis, ducem suum sequitur, & seipsum in acie collocat.

Quando itaque juramentum nobis in mentem revocamus, quod Christo in baptismo præstimus: vi cuius ipsum & verbum ejus palam profitemur, contra verò Diabolo, & quod ei repugnat, renunciavimus, officii nostri est, id bona fide servare, adeò, ut si liberi nostri nos sollicitarent, aut mater nudatis uberibus nos obsecraret, ut fidem hanc falleremus, aut ipse pater in limine stratus, exitum nobis intercludere vellet, patrem transilire, & ita oculis clausis valedicere teneamur: *singularē enim pietatis genus est in hac re esse crudelē,* quâ in re Christus nobis suo ipsius exemplo præivit, dum

matri sollicitanti se, repulsam dedit, & his verbis ipsi se excusavit: An nescitis, quid in his, quæ patris mei sunt, oportet me esse, Luc.2.v.49.

In genere vero non patrem modo, sed & omnia terrena relinquere debemus, si veritas Evangelii in periculo verletur. Quid enim prodebet homini, &c. Matth.16.26.

Id fecit Julita nobili genere nata: cum enim urgeretur, ut aut fidem Christianam abnegaret, aut omnes opes suas relinquaret, ex tempore illa consilium capiens ajebat: Valeat vita, pereat pecunia, famula Christi sum.

Nos similiter affecti, non quæ super terram sunt, quæramus, sed quæ sursum sunt, Col.3.2. Qui hoc fecerit, optimam partem elegit, quæ non auferetur ab eo, Luc.10.ult.

De Secundo.

D Igrediemur nunc ad alteram partem, X̄ριστων ταῦ , sive notitiam Christi contemplaturi. Hic nobis commendatur:

I. T anquam opificum amator. Hic audi-
mus, quod pescatores recipit, eosq; ad A-
postolatum vocat. Quod profecto non fe-
cisset, nisi in statu sibi probato, vixissent.

Sic etiam opifices ipse instruxit arte, quā profitentur, quia omnium artifex est, Sap.7.v.21. sicut de Beseleel & Oholiab legitur, quod Deus eos impleverit spiritu sapientia & intelligentia & scientia in omni opere, ad excogitandum, quicquid fabrefieri potest ex auro, & argento, & are; marmore & gemmis, Exod.31,3. De fabro dicit Deus: Ecce ego creavi fabrum, Esa.54,16.

Hinc scriptura variorum opificiorum & vitæ institutorum meminit, quibus sancti Patriarchæ operam navarunt. Abel fuit pa-
stor ovium, & Cain agricola, Gen.4,2. Ju-

bal pater canentium cithara & organo. Thubalkain ludens omne opus æris & ferri, Gen.4,21.22. Nemrod venator, Gen.10,9. Ismaël sagittarius, Gen.21,21. Esau gnarus venandi & agricola, Gen.25,27.

Textorum & figurorum mentio injici-
tur, 1. Paral.4,21. Siracides architectorum,
sculptorum, calatorum, fabrorum ferrario-
rum honorifice meminit, c.35,26. & seqq.

Ipse Josephus pater Christi putativus fa-
ber fuit lignarius, Luc.3,23. & Christus ei
adjuvator fuit, unde propterea non modo fi-
lius fabri, Matth.13 v.55 sed & faber appellatur, Marc.6.v.3.

Hoc igitur Mechanicis & Opificibus
magno solatio esse potest, primoratione vi-
etus, quem sibi commodè parare possunt.
Artem enim quævis alit terra, nec facilè au-
torem suum perire sinit. Labores manuum
tuarum manducabis; Beatus es, & bene tibi
erit, Psal.128.v.2. Deinde ratione functionis,
in quā vivunt, quæ Deo pergrata est. Deus
enim dona sua variè distribuit, quorum
nos dispensatores sumus, 1.Petr.4.v.20.
nec Deus personarum acceptor est, Act.
10.v.34. nec cognoscit divitem coram pau-
pere, opus enim manuum suarum sunt uni-
versi, Joh.34,19. In Apologia A.C. mentio-
fit tutoris Alexandrinī, qui nihil aliud fecit,
quam quod opificio, orationi, & cultui di-
vino invigilavit, & tamen Anachoretæ An-
tonio, qui duram vitam egit, longè præla-
tus est. Sic pii Mechanici hoc solatio fruuntur,
quodsi in vocatione suâ seduli sint, &
ante omnia Deo cultum suum præsentent,
quod Deo magis placeant, quam Monachi
& Moniales, in Ordine suo rigorosissimo,
quo scipios onerarunt. Mandatis enim ho-
minum frustra Deus colitur, Matth.15,9.
mundus autem est, cuius rectum est opus,
Prov.21. v. 8.

Qui-